



საქართველოს კომუნიკაციების ეროვნული კომისია



№ 03/2475-15

“ 28 ” 10 2015 წ.

ააიპ „არასამეწარმეო მედია კავშირ ობიექტივს“

გაცნობებთ, რომ 2015 წლის 23 ოქტომბერს, საქართველოს კომუნიკაციების ეროვნულ კომისიას (შემდგომში „კომისია“) მიმართა არასამთავრობო ორგანიზაციათა ჯუფმა, რომელმაც მოითხოვა რეაგირება მოეხდინა კომისიას თქვენ მიერ სამაუწყებლო ბადეში ყოველდღიურად წამების კადრების ფრაგმენტების გავრცელებისა და გადაცემის, წამყვანის მიერ ერთიანი ნაციონალური მოძრაობის წევრების მიმართ პირდაპირი ფიზიკური ანგარიშსწორების საჯაროდ მოწოდების გამო.

კომისიამ შეისწავლა თქვენს სამაუწყებლო ბადეში 26 და 27 ოქტომბერს გადაცემული პროგრამები და უფლებამოსილია განგიმარტოთ შემდეგი:

1. მაუწყებელთა და არასამთავრობო ორგანიზაციათა აქტიური ჩართულობით, მათი წინადადებების საფუძველზე შემუშავებული და კომისიის დადგენილებით დამტკიცებული მაუწყებელთა ქცევის კოდექსის 38-ე მუხლის პირველი პუნქტის შესაბამისად, „აკრძალულია მაუწყებლის მიერ ისეთი პროგრამის გადაცემა ან პროგრამაში მასალის განთავსება, რომელმაც შეიძლება ზიანი მიაყენოს არასრულწლოვანთა ფიზიკურ, ფსიქოლოგიურ, ინტელექტუალურ და სულიერ განვითარებას“;

2. ამავე კოდექსის 39-ე მუხლის შესაბამისად, „დაუშვებელია სექსუალური სცენის, აგრეთვე გაუპატიურების ან/და სექსუალური მალადობის სცენის გრაფიკული გამოსახვა და გადაცემა 06:00 საათიდან 24:00 საათამდე; ამასთან, სექსუალური სცენებისა ან/და სექსობრივი ურთიერთობის შესახებ განხილვების ეთერში გადაცემა 20:00 საათიდან 23:00 საათამდე გამართლებულია მხოლოდ საზოგადოებრივი ინტერესის არსებობისას, ჯეროვნად შემოკლებული და რედაქტირებული ფორმით;

3. მაუწყებელთა ქცევის კოდექსის 45-ე მუხლის შესაბამისად, დაუშვებელია 18 წლამდე ასაკის არასრულწლოვნებისათვის შეუფერებელი პროგრამების განთავსება 06:00 საათიდან 24:00 საათამდე; 18 წლამდე არასრულწლოვნებისთვის შეუფერებლად ჩაითვლება სამაუწყებლო პროგრამა, თუ ის შეიცავს სექსობრივი აქტის ან სექსუალური ძალადობის ამსახველ გრაფიკულ სცენებს; არასრულწლოვანის მონაწილეობით ან გაუკულმართებული ფორმით სექსუალური ურთიერთობის ამსახველ სცენებს;

ძალადობის ამასხველ სცენებს ახლო ხედით ან 15 წამზე მეტი ხნით (გარდა შემცნებით-საგანმანათლებლო, ისტორიული, ფანტასტიკური ან კომედიური ჟანრის პროგრამებისა);

4. გასათვალისწინებელია, რომ „მაუწყებლობის შესახებ“ საქართველოს კანონის 56-ე მუხლის მე-4 პუნქტის შესაბამისად, იკრძალება პორნოგრაფიის, აგრეთვე ადამიანისა და მოქალაქის ღირსებისა და ძირითად უფლებათა შემლახავი ისეთი პროგრამის ან რეკლამის განთავსება; რომელიც შეიცავს უხამსობას. ამავე კანონის მე-2 მუხლის პუნქტის შესაბამისად, უხამსობა ქმედება, რომელიც ეწინააღმდეგება საზოგადოებაში დამკვიდრებულ ეთიკურ ნორმებს და არა აქვს საზოგადოებრივ-პილიტიკური, კულტურული, საგანმანათლებლო ან მეცნიერული ღირებულება.

5. კომისია შეგახსენებთ, რომ მაუწყებელთა ქცევის კოდექსის შესასრულებლად, სავალდებულო ნორმების დარღვევის შემთხვევებს, მაუწყებლის სარედაქციო დამოუკიდებლობისა და სიტყვისა და გამოხატვის თავისუფლების კონსტიტუციით გარანტირებული უფლების დაცვის მიზნებიდან გამომდინარე, დაინტერესებული პირის მიმართვის შემთხვევაში, მხოლოდ მაუწყებლის თვითრეგულირების ორგანოები განიხილავენ. „მაუწყებლობის შესახებ“ საქართველოს კანონის 56-ე მუხლის მე-4 პუნქტან მიმართებაში, ამავე კანონის 59¹ მუხლის კონსტიტუციურობასთან დაკავშირებით, საქართველოს საკონსტიტუციო სასამართლოს შესაბამისი გადაწყვეტილების თანახმად, ადამიანის ღირსებისა და ძირითად უფლებათა შემლახავი უხამსი შინაარსის სცენების სამაუწყებლო პროგრამაში გამოყენების ფაქტი, შეიძლება კომისიის ან/და სასამართლოს მსჯელობის საგანი გახდეს და მაუწყებლის მიმართ ნეგატიური სამართლებრივი აქტის გამოცემა გამოიწვიოს.

6. კომისიამ შეისწავლა თქვენი 2015 წლის 26 ოქტომბრის ეთერი და გამოარკვია, რომ წამებისა და სექსუალური ძალადობის ფაქტების ამსახველი კადრების გამოყენება პროგრამაში განხორციელდა მაუწყებელთა ქცევის კოდექსის მოთხოვნათა დაცვით (მხედველობაში გვაქვს გადაცემის კონტექსტი და სარედაქციო დასაბუთება, ეთერში 24:00 საათიანი წყალგამყოფის შემდგომ განთავსება, უხამსი ელემენტების დაფარვა, მოკლე რამდენიმეწამიანი ქრონომეტრაჟი, რისი გამოყენებაც შეიძლება გამართლდეს გადაცემის კონტექსტით), მაშინ, როცა 27 ოქტომბრის ეთერში 20:00 საათიან წყალგამყოფამდე გასული იგივე კონტექსტისა და შინაარსის პროგრამაში, თქვენ მიერ გამოყენებულ იქნა 15 წამიანი კადრი (სცენა), სადაც ახლო ხედით, დაფარვის გარეშე გრაფიკულად ისახება სექსუალური ძალადობის უხამსი, ადამიანის პატივისა და ღირსების, მისი მირითადი უფლებების შემლახავი კადრი.

7. კომისიას გათავისებული აქვს მაუწყებლის როლი ინფორმაციის თავისუფლების, მათ შორის მნიშვნელოვანი საზოგადოებრივი და პოლიტიკური მოვლენების შესახებ საზოგადოების ინფორმირების, ზოგადად - სიტყვისა და გამოხატვის თავისუფლების რეალიზაციის პროცესში, თუმცა მიაჩნია, რომ მაუწყებელმა ზემოაღნიშნული კონსტიტუციური ღირებულებები უნდა დაამკვიდროს ისე, რომ არ შელახოს სხვათა, მათ შორის არასრულწლოვან მოქალაქეთა უფლებები.

8. ზემოაღნიშნულის გათვალისწინებით, მოგიწოდებთ თქვენი სარედაქციო დამოუკიდებლობის ფარგლებში დაუყოვნებლივ უზრუნველყოთ თქვენს ეთერში 2015 წლის 27 ოქტომბერს გადაცემული წამების საწინააღმდეგო პროგრამის, ასევე ყველა სხვა მომავალში განსათავსებელი მსგავსი პროგრამების. (ასეთის არსებობის შემთხვევაში) ჯეროვანი რედაქტირება და მათი მაუწყებელთა ქცევის კოდექსის მოთხოვნებთან

შესაბამისობაში მოყვანა, ასევე - ამავე კოდექსის შესაბამისად განთავსება სამაუწყებლო
ბადეში (წყალგამყოფის დაცვა).

9. კომისიას მიაჩნია, რომ არასამთავრობო ორგანიზაციების ზემოაღნიშნული
მომართვის კონტექსტში უნდა განიმარტოს, რომ ჟურნალისტის მიერ პროგრამაში
გამოთქმული მოსაზრება ან იდეა, მათ შორის ცალკეული სოციალური (პოლიტიკური)
ჯგუფების მიმართ ნეგატიური დამოკიდებულების აგრესიული ფორმით გამოხატვა
ჟურნალისტის პროფესიული თავისუფლების, მაუწყებლის სარედაქციო
დამოუკიუდებლობის ფარგლებშია და დაცულია სიტყვისა და გამოხატვის
კონსტიტუციით გარანტირებული თავისუფლებით, თუმცა, ამ შემთხვევაში,
ჟურნალისტმაც და მაუწყებელმაც უნდა დაიცვან გამოხატვის სტანდარტი, ვინაიდან,
რასობრივი, რელიგიური, ეროვნული, კუთხეური, ეთნიკური, სოციალური, პოლიტიკური,
ენობრივი ან/და სხვა ნიშნის მქონე პირთა ჯგუფებს შორის განხეთქილების ჩამოსაგდებად
ძალადობრივი ქმედებისაკენ ზეპირად, წერილობით ან გამოხატვის სხვა საშუალებით
საჯაროდ მოწოდება, თუ ეს ქმნის ძალადობრივი ქმედების განხორციელების აშკარა,
პირდაპირ და არსებით საფრთხეს წარმოადგენს საქართველოს სისხლის სამართლის
კოდექსის 239¹ მუხლით გათვალისწინებულ ქმედებას.

დაწართი: არასამთავრობო ორგანიზაციების მომართვა - 2 ფურცელი.

პატივისცემით,
ვახტანგ აბაშიძე
კომისიისთავმჯდომარე



GNCC

From:
Sent:
To:
Subject:

Gela Bochikashvili [gelabochikashvili@gmail.com]
Friday, October 23, 2015 5:20 PM
post@gncc.ge

მარეგულირებელ კომისიას

"9 თებერვალი მედია-კავშირი სამუშაოების" ეტურში, ყოველდღიურად გადაცემა სამუშაოების მიზნით წარმოადგინება მარეგულირების ფრაგმენტები. ცხადია, მაღადობის და დანაშაულის მხილება საზოგადოებრივი ონტერესის საგანია, მაგრამ მედიას შეუძლია ეს ფუნქცია აუდიტორიის გრძნობებით მარიპულირების და ადამიანის ლირიკების შემსრულებელი კადრების მცრმნენტულად და კამპანიურად გავრცელების გარეშე შეასრულოს. ამგვარი ქმედებები საზოგადოებაში შუღლის გაღვიცებას და მაღადობისკენ წაქეზების პირდაპირ საფრთხეს ქმნის, რის მხილველიც ბოლო დღეებში საზოგადოება გახდა და რამაც შეიძლება სამოქალაქო დაპირისპირების გაღვიცებას შეუწყოს ხელი.

მაუწყებლობის შესახებ კანონის 56-ე მუხლი აწესებს პროგრამულ შესაბუღვებს, რომლის მე-2 პუნქტის თანახმად, " იქმალება ისეთი პროგრამების გადაცემა, რომლებიც რაიმე ფორმით რასობრივი, ეთნიკური, რელიგიური ან სხვაგვარი შუღლის ფაღვივების, რომელიმე ჯგუფის დისკრიმინაციის ან მაღადობისკენ წაქეზების აქარა და პირდაპირ საფრთხეს ქმნის." ამავე მუხლის მე-4 პუნქტის თანახმად, " იქმალება პორნოგრაფიის, აფრიცვე ადამიანისა და მოქალაქის ღირსებისა და მირითად უფლებათა შემლახავი ისეთი პროგრამის ან რეკლამის განხავება, რომელიც შეიცავს უხაზისას."

არსის წამყვანი ასევე პირდაპირ ეთერში აკეთებს განცხადებებს, რომლითაც მაღადობას ამართდებს და ერთანი ნაციონალური მოძრაობის წევრების მიმართ პირდაპირი ფიზიკური ანგარიშსწორებისკენ მოქალაქეებს [1].

ვთვლით, რომ მაღადობის ამგვარი წახალისება, რასაც კამპანიური ხასიათი აქვს და სცილდება საზოგადოების პრომლებზე ინფორმირების ამოებას, სახიფათოა საზოგადოებისთვის და წარმოადგენს კანონმდებლობის დარღვევას. მოყიწიდებთ, რეაგირება მოახდინოთ აღნიშვნულ ფაქტზე.

http://www.mdfgeorgia.ge/geo/view_statements/231

მედიის განვითარების ფონდი, MDF

საქართველოს დემოკრატიული ინიციატივა, GDI

ბალტიისა და შავი ზღვის აღიანვი

საფარი

კომსტიტუციის 42 მუხლი

ტოლერანტობის და მრავალფეროვნების ინსტიტუტი, TDI

7.9/8156.15
23 10 15
2

საქართველოს რეფორმებისა სოციაცია, GRASS

იდენტობა

მედია კლუბი

არამაღლადობრივი კომუნიკაციის ინსტიტუტი

საქართველოს სტრატეგიული კვლევების ინსტიტუტი (GISS)

Information from ESET NOD32 Antivirus, version of virus signature database 12454
(20151023)

The message was checked by ESET NOD32 Antivirus.

<http://www.eset.com>